

# Skólaráðsfundur 14. janúar 2015

## Dagskrá:

1. Fyrstu hugmyndir varðandi skóladagatal
2. Skólabyrjun - tímasetning
3. Önnur mál

**Mættir:** Kristín Jóh., Hafdís Bjarnadóttir, Erlendur Steinar, Kristín Hallgríms., Linda Rós, Ylfa, Hafþór, Helga Vilhjálmsdóttir.

**Forföll:** Unnur Elva.

## Umræður:

### 1. Fyrstu hugmyndir varðandi skóladagatal ræddar

- Samræmt vetrarfrí er hugsanlega á dagskrá 23. og 26. október.
- Skólaráð er samþykkt því að reyna að losna við 21. og 22. desember í kennslu og reyna í stað þess að þjappa dögum saman. Annað hvort kemur til greina að slíta síðar í júní (annars vilja skólarnir reyna að slíta föstudaginn 3. júní) eða að þjappa í ágúst eins og minnst er á framfar.
- Á næsta skóladagatali er spurning um að hafa árshátíðina laugardaginn 23. janúar eða laugardaginn 30. janúar. Þá er spurning um að nýta síðustu vikuna í janúar alveg án truflunar frá árshátíð. Ef við hefðum árshátíðina í lok janúar gæti auðvitað fyrsta kennsluvikan í janúar nýst vel í kennslu án truflunar frá árshátíð. Skólaráð er sammála um að halda sig við 23. janúar en þessi ákvörðun verður borin undir kennarafund. Þessari fyrstu umræðu um dagatalið lokið, verður tekið fyrir aftur síðar.

### 2. Skólabyrjun – tímasetning

Nú byrja allir í skólanum kl. 8.00 í stað þess að yngsta stigið byrjaði kl. 8.15 og kennarar fengu borgað fyrir gæsluna úr potti. Þetta var gæðastund og kennarar sjá eftir þessum tíma. Annað sem kemur til er að börnin eru ekki mætt á réttum tíma og því ekki orðið kennsluhæft kl. 8.00.

Leiðir til að bregðast við þessu eru t.d. að seinka skólabyrjun um 15 til 30 mínútur á morgnana.

Brekuskóli og Oddeyrarskóli eru einu skólarnir sem byrja kl. 8.00. Aðrir seinka kennslu aðeins.

Rökin fyrir seinkun um 15 mínútur á morgnana var meðal annars sú að börnin væru ekki í umferðinni á mesta álagstíma.

Fundargestir sammála um að seinka skólabyrjun.

Unglingastig er ánægt með fyrirkomulag frímínútna eins og það er í dag, að hafa einar frímínútur sem eru 30 mínútur í stað tveggja sem eru styttri. Ylfa og Hafþór segja þetta henta vel, nemendur hafi nægilegan tíma til að gera það sem þarf á þessum 30 mínútum.

Hafragrautur á morgnana er alltaf í umræðunni annað slagið, nemendur lýsa yfir áhuga á því að hafa morgunmat hér á morgnana en það er spurning um útfærslu á því, t.d. hvað varðar starfsfólk. Hugsanlegt er að hafa tilraunamánuð á núverandi vorönn og sjá hvernig þetta gengur.

### 3. Önnur mál

- Árshátíð á laugardegi. Hvers vegna er ballið á laugardegi? Nemendur vildu heldur hafa árshátíðarball á föstudegi en hefðin er rík og hefur fengið að ráða. Könnun hefur verið gerð um að breyta dagsetningu árshátíðar, niðurstaðan var um það bil 50/50 svo ákveðið var að gera ekki breytingar. Erlendur bendir á að hverfislega séð henti þessi laugardagur mjög vel, þetta búi til skemmtilega stemningu og kaffihlaðborðið margrómaða er heppilegt að hafa á laugardegi, þá er fólk gjarnan lausara við en á virkum dögum. Hugsanlegt er að hafa árshátíðarballið í vikunni á eftir, þá þyrfti reyndar að leigja hljóðkerfið í tvígang. Einnig mætti skoða möguleikann á því að hafa árshátíðarball nemenda á föstudeginum fyrir árshátíð, þá væri hljóðkerfið komið í hús. Krakkarnir fengju góðan tíma til að undirbúa ef ballið væri á föstudeginum en árshátíðin sjálf á laugardeginum.
- Mokstur og færð á gangstéttum á Eyrinni og annars staðar í bænum. Gangstéttar hér í hverfinu eru ekki mokaðar á morgnana, ekki fyrr en í fyrsta lagi 10 á morgnana. Þetta veldur því að börn á leið í skóla ganga á götunum

sem skapar mikla hættu. Seinkuð skólabyrjun er liður í því að draga úr þessari áhættu.

***Skólaráð Oddeyrarskóla sendir frá eftirfarandi ályktun:***

***Við krefjumst þess að gönguleiðir umhverfis skólann séu hafðar í forgangi við snjómokstur til að auka umferðaröryggi barna. Benda má á að grunnskólar hvers hverfis eru jafnan stærstu vinnustaðir þess og hlutfallslega flestir fótgangandi.***

Næsti fundur á dagskrá annan miðvikudag í febrúar, 11. febrúar.

Fundi slitið kl. 11.16.

Ritari: Linda Rós